

福州府志卷之四十六

名宦一 歷代節使方面

宋曾鞏云閩險且遠故仕者憚入斯言非篤論也世有蓋臣叱馭而前惟上知有國下知有民何有於險且遠蓋郡險而吏平道遠而情近上下千百年落落指挂者可僂指數曰某某於今弗諼也詎非治之古而民之福歟名在史冊功在山川澤在圓顛方趾之族欲朽其人而弗能因縷陳遺蹟為吏茲土者勸雖然司馬遷傳循吏厯五人又何敢濫入也志名宦

福州府志 卷四十六 名宦一

唐

李椅唐宗室大歷七年授福建觀察使考禮正刑頒賦定役削去煩苛之政以州學湫隘乃卜地于城南而拓其制經營之費不斂于民春秋二丁諸生釋菜習舞歲終貢其才者于宗伯以鄉飲酒之禮禮之由是海濱之人以不學為耻卒于位太常議以椅尊教勸學德洽荒服

奏謚曰成詔贈禮部尚書 獨孤及福州學記叅福建通志

常衣京兆人及進士第建中初以尚宰相起為福建觀察使其人未知學衣至為言知校為文章親加講



與爲客主鈞禮觀游燕饗以馬由戶作一變歲貢士與

內州等卒于官贈尚書左僕射從國入春秋配享衮于

學宮唐書

吳湊濮陽人貞元四年爲福建觀察使蒞政以廉敏著美

譽四騰奏起自外戚而有治才多所建白與宰相竇參

不合召還萬歷府志

閻濟美貞元十五年進士由婺州刺史爲福建觀察使以

簡澹爲理常賦之外不加徵奏罷前觀察所置牧馬監

仕至工部尚書閩書

福州府志 卷四十六 名宦一 二

徐晦寶歷初爲福建觀察使作池通海潮以振人文初晦

未第四門助教歐陽詹數稱之後來觀察語及詹必流

涕仕宦所歷皆楊憑薦引憑貶臨賀尉知交莫敢送者

晦獨送至藍田言別爲人強直當官守正仕至禮部尚

書其爲池也團練副使沈亞之有勞亞之嘗游韓文公

之門以文詞得名閩書

楊發字至之馮翊人大中初以蘇州刺史改福州兼觀察

使下車首立社稷風雨壇于州之坤方用錢十萬不循

一丁不歛一戶以善績聞于朝遷安南節度使萬歷府志

李景温字德已并州人歷諫議大夫_西觀察使徙華州

刺史以善政聞

唐書

陳巖字夢臣邵武建寧人乾符五年黃巢攻建寧焚之巖糾衆數千保鄉里號九龍軍擊敗巢兵巢據福州僖宗遣觀察使鄭鎰討之不能下鎰檄巖助師一鼓登西城門巢走東粵授都團練副使泉州刺史時左廂都虞候李連有罪亾入溪洞合衆攻福州巖討平之境內以安鄭鎰表巖自代中和四年以巖爲福建觀察處置等使威惠日著吏民懷服王潮據泉州憚巖威名請降巖表

福州府志

卷四十六

名宦一

三

潮泉州刺史大順二年巖病召王潮欲授以軍政未至而卒都將范暉發兵拒潮景福二年潮與弟審知入福州以女妻巖長子延晦葬巖于北郊敦業鄉太平里潮素服臨葬郡人校書郎黃璞銘其墓

福建通志

張睦唐末授三品官領權貨務詳見流寓

宋

羅拯字道濟祥符人第進士提點福建刑獄泉州興化軍水壤廬舍拯請勿征海運竹木一年民居皆復舊遷轉遷使邵武之光澤縣不權酒以課賦民號黃麴錢拯均

之他三邑人以爲便

宋史

陳桷字季任溫州平陽人政和七年提點福建刑獄福州調發防秋兵資糧不滿望殺帥臣變生倉卒吏民奔潰闔城震駭桷入亂兵中諭以禍福賊氣沮邀桷奏帥臣自斃桷詭從其請間道馳奏以前奏不實待罪朝廷以桷知變釋之叛兵旣調行迺道追殺首惡二十餘人一方以安建炎四年五月復除福建路提刑尋以疾乞祠紹興八年遷福建路轉運副使二十四年改知廣州充廣南東路經畧安撫使未至而卒桷寬洪蘊藉以誠待

福州府志

卷四十六

名宦一

四

物恬于榮利當秦檜用事以永嘉爲寓里士之夤緣攀附者無不躋躐桷以立螭之舊爲人主所知出入頓挫其節有足稱者自號無相居士又號不繫舟漁者

宋史
參閱

書

張浚字德遠綿竹人紹興閒以資政殿大學士知福州兼福建路安撫大使閩素號健訟難治浚謂人心一也正由臨民者先有逆詐億不信之心是以不能感格八境一切諭以義理飭守令誠意民事令鄉里長老知書者率勸後生及強悍者無爲鄉黨羞民皆感仰每出觀者

升屋登木如堵墻在郡細大之務必躬必親人人感悅和氣薰然訟事清簡山海之寇招捕無餘閒引秀才與之講論閩人化之去福之日軍民送者咨嗟號泣相屬于道

朱子張魏公行狀

葉夢得字少蘊吳縣人紹聖四年登進士第紹興閒以觀文殿學士知福州兼福建安撫使海寇朱明猖獗詔夢得挾御前將士便道之鎮或招或捕或誘之相戕遂平寇五十餘羣與監司異議上章請老歸

宋史

辛次膺字起季萊州人紹興閒以左中大夫敷文閣待制

福州府志

卷四十六

名宦一

五

知泉州明年移知福州兼本路安撫使次膺孝友清介立朝謇諤仕宦五十年無絲毫挂吏議爲政貴清靜先德化所至人稱其不煩卒年七十九

宋史

王晞亮字季明莆田人紹興元年恩賜進士初秦檜爲大學正晞亮爲學錄檜當國除勅令所刪定官異爲已助晞亮守正不阿罷授福州安撫司幹辦公事會山寇發帥請晞亮從軍授諸將方畧寇皆束手請命嘗舉李寶于偏裨中爲水軍統制屢奏奇捷以秘閣修撰致仕卒

莆田志參

正德府志

方庭實字公美莆田人政和五年進士以宗正少卿宜論
三京淮北至京西見先朝陵寢多驚犯泰陵至暴露
檜預使人戒之庭實見帝涕泣而言遂求外補出爲福
建提刑時海盜竊發初以庭實爲儒生易之庭實引用
鄭廣輩得以盜禦盜之法遂相次遁去又奏除福建舖
例和買之害發泉州常平米以賑旱饑疏請解官以贖
胡銓之罪檜滋不悅改知泉州尋除廣南東路提刑乞
納祿未報卒于官

莆田志參
福建通志

王大寶字元龜潮州人建炎初廷試第二趙鼎謫潮大寶

福州府志

卷四十六

名官一

六

日從講論語知連州張浚亦謫居之浚俸不時得大寶
以經制錢給焉提點福建刑獄道臨漳有峻嶺曰蔡岡
叢薄蔽翳山石犖确盜乘閒剽劫大寶以囊錢三百萬
募民決藪薶道行者便之

宋史

汪徹字明遠自新安徙居饒州浮梁第進士乾道間自寧
國移知福州兼安撫使請祠致仕卒謚莊敏嘗奏言臣
起寒遠所以報國惟無私不欺爾雖貴自奉清約猶布

衣時

宋史

陳俊卿字應求莆田人乾道間以觀文殿大學士知福州

兼福建路安撫使政尙寬厚嚴于治盜定海水賊倪郎
侵軼閩廣海道騷然俊卿召統領官鄭慶授方畧慶以
風爲解俊卿植旗于庭視其所向慶知不可欺晝夜窮
追悉擒捕之海道以清上嘉其功特遷銀青光祿大夫
轉運判官陳峴建議改行鈔鹽法俊卿移書宰執欲望
朝廷更下有司熟議或令建議之人以身任責必有以
見其可行者然後行之當時不能用然鈔法果不行明
年力請閑以提舉洞霄宮歸淳熙二年再知福州有旨
盡發本路海船及揀禁軍俊卿奏去歲點集拘留年半

福州府志

卷四十六

名宦一

七

丙子年補刻

放散商賈固已失業今而竝發寧不重困福州十二寨
千九百人揀中千七百餘人盡行起發州縣空虛乞留
其半以備緩急詔施行之又奏本路四州江西湖北籍
盜之法四年累章告歸除特進提舉洞霄宮

朱子陳正
獻公行狀

鄭興裔字光錫初名興宗顯肅皇后外家三世孫也乾道
間徙福建路兵馬鈐轄過闕入見詢以守令臧否興裔
條析以對帝曰卿識時務習吏事行當用卿會復置武
臣提刑就命爲之郡縣積玩檢驗法廢興裔創爲格目
分畀屬縣吏不得行其姦因著爲令建劍汀邵鹽筴屢

更漕臣請易綱運爲鈔法興裔極言其不可海寇倏去忽來調兵常無及興裔置澳長寇至徑率民兵禦之寧

宗卽位除知明州

宋史

謝師稷字務本邵武人初懋福清懷安丞淳熙中爲福建提刑以守法除弊爲已任建延汀邵四府苦敷鹽之弊師稷力禁除之又奏免鐵葉錢秩滿復知漕事郡有歲輸軍儲斛面已免徵時守以經費不足將復之師稷又請于朝俾歲增運鹽二綱以助用不得加賦

萬曆府志

趙希懌字伯和宋宗室淳熙中第進士汝愚帥福建希懌

福州府志

卷四十六

名宦一

八

丙子年補刻

爲監辦公事嘗言治人如治身治政如理家愛民如處昆弟取古人官著惠愛者輯爲一編曰是吾師矣汝愚嘉之薦于憲帥辛棄疾棄疾尙氣僚吏不敢與可否希懌獨盡言無避屬邑侯官苦稅重每不登額希懌稽核公帑羨錢足之棄疾亦薦其能懋昭信軍節度使開府儀同三司致仕卒贈少保

閩書

鄭僑字惠叔永福人紹興中知福州兼安撫使以簡靜致理罷義倉和糴之弊減古田偏重之賦慶元中除本路

安撫使再知州事

正德府志

辛棄疾字幼安歷城人乾道四年歷通判建康府時孝宗銳意恢復棄疾因論南北形勢及三國晉漢人才特論勁直累遷隆興府江西安撫落職久之紹興二年起福建提點刑獄召見遷大理少卿加集英殿修撰知福州兼福建安撫使棄疾爲憲時嘗攝帥每嘆曰福州前枕大海爲賊之淵上四郡民頑橫易亂庫藏空竭緩急奈何乃務爲鎮靜未期歲積餘至五十萬緡勝曰備安庫謂閩中士狹民稠歲儉則糴于廣今幸連稔宗室及軍人入倉請米出卽糴之候秋價賤以備安錢糴二萬石

福州府志

卷四十六

名宦一

九

丙子年補刻

則有備無患矣又欲造萬鎧招強壯補軍額嚴訓練以防盜賊事未行爲臺臣王藺所劾遂乞祠歸棄疾豪爽尙氣節識拔英俊所交多海內知名士與朱熹游好熹歿僞學禁嚴門生故舊至無送葬者棄疾爲文往哭之有稼軒集行世德祐初諡忠敏

閩書

蔡幼學字行之瑞安人年十八試禮部第一寧宗時提舉福建常平時朱熹居建陽幼學每事咨訪遂爲御史劉德秀劾罷奉祠者八年召爲吏部員外郎歷知建寧府福建安撫使知福州福建下州例抑民買鹽以戶產高

下均賣者曰產鹽以交易契紙錢科數者曰浮鹽皆出常賦之外幼學力請蠲不報提舉司令民以田高下藏新會子不如令者籍其貲幼學曰罔民而可吾忍之乎惟有去而已因言錢弊未均秤提無術力求罷幼學早以文鳴中年述作益求根本終兵部尙書諡文懿

閩書
參正

德府
志

楊長孺字伯子吉水人寧宗時安撫福建強宗有久逋賦者法繩之真德秀入對理宗問廉吏德秀舉長孺端平問去任累召不起景定初起判江西憲臺

閩書

福州府志

卷四十六

名宦一

十

丙子年補刻

李孟傳字文授上虞人寧宗朝爲太府丞兼考功郎以不附韓侂胄出提舉江東常平移福建入對首論用人宜先氣節後才能益招徠忠讜以扶正論故人有在政府者折簡問勞動甚孟傳逆知其意卽謝曰孤蹤久不造朝獲一望清光而去幸矣對畢卽出關至閩大饑發廩勸分民無浮殍嘉定初就遷提點刑獄丞相史彌遠其親故也人謂進用其時矣卒歸使節角巾還第終直寶謨閣致仕卒年八十四

宋史

徐鹿卿字德夫隆興豐城人嘉定十六年進士辟福建安

撫司幹辦公事會汀邵寇作鹿卿贊畫備禦動中機會
避寇者入城多方賑濟全活甚衆郡多火災救護有方
在任廉約清峻毫髮不妄取卒官華文閣待制謚清正

閩書

魏了翁字華甫浦江人嘉熙初自紹興改知福州兼安撫
使累章乞骸骨詔不允疾革門人問之猶衣冠相與酬
答曰吾生平處已淡然無營口授遺奏拱手而逝

宋史

吳潛字毅夫寧國人淳祐間知福州兼安撫使民甚德之
徙知紹興後拜右丞相以忠亮剛直著聞

閩書

福州府志

卷四十六

名宦一

十一

丙子年補刻

楊棟字元極眉州青神人紹定二年進士第二累遷樞密
院編修官奉祠起知興化軍遷福建提點刑獄尋加直
秘閣兼權知福州兼本路安撫使有惠政累遷太常少

卿終資政殿大學士

宋史參
閩書

趙葵字南仲衡山人京湖制置使方之子初生時或夢南
嶽神降其家與兄范俱有志事功方器之聘鄭清之矣
子才爲之師又遣從南康李燔爲有用之學淳祐二年
進大學士知潭州改福州有政績三年葬其母乞追服
終制不允史稱葵自端平以來朝廷倚之如長城之勢

及其筋力既老衛國之志不衰

宋史參福
建通志

趙必愿字立夫餘干人汝愚孫嘉定七年舉進士知崇安縣秩滿民共立祠刻石淳祐五年以華文閣直學士知福州福建安撫使三辭不許閩人聞必愿至欣然歎羨必愿平易以近民忠信以厚俗惻怛以勤政行鄉飲酒旌退士獎高年裁僧寺實封之數尤留意武事甫入境卽以軍禮見戎帥申明左翼軍節制事宜措置海道居官四年累乞歸及命召又三辭皆不許卒遣表上贈銀青光祿大夫必愿才周器博心平量廣而又蚤聞家庭

福州府志

卷四十六

各宦一

十三

丙子年補刻

忠孝之訓師友正大之言故所立卓然可稱

宋史

包恢字宏父建昌人嘉定十三年舉進士知台州改湖北提點刑獄未行移福建兼知建寧閩俗以九月祠五王生日靡金帛傾市奉之恢曰彼非犬豕安得一日而五子同生非不祥者乎而尊畏之若是衆感悟爲之衰止恢歷仕所至破豪滑去姦吏治蠱獄課益鹽理銀欠政

聲赫然

宋史

江萬里字子遠都昌人寶祐初知建寧府兼權福建轉運使明年移知福州兼安撫使度宗卽位累遷叅知政事

咸淳十九年元兵渡江萬里預鑿池後浦扁亭曰止水

至是竟赴水死

正德府志

吳淵字道父潛之兄寶祐閒知福州兼安撫使興學養士然政尚嚴故時有蜈蚣之謠其弟潛亦數諫止後拜叅

知政事

宋史叅正德府志

湯漢字伯紀饒州安仁人江東提刑趙汝騰薦漢于朝詔免解差充象山書院堂長赴禮部別院試正奏名授上饒縣主簿江東轉運使趙希堅言漢海內知名士豈得吏之州縣詔循兩資差信州教授兼象山書院長提舉

福州府志

卷四十六

名宦一

十三

福建常平劾福州守史崑之泉州守謝堉召爲禮部郎官兼太子侍讀尋以直華文閣福建運判久之以秘閣修撰知福州福建安撫使又久之召爲刑部侍郎兼侍讀復以龍圖閣待制知福州福建安撫使每至有惠政

宋史叅

閩書

洪天錫字君疇晉江人寶慶二年進士知古田縣行鄉飲酒禮邑劇牒愬猥多天錫剖決無留難有倚王邸勢殺人者誅之不少貸調通判建寧府累官至福建安撫使豪戶買鹽至破家隕身者天錫首罷之又罷荔枝貢致

仕加端明殿學士轉一官贈正議大夫諡文毅

元

百家奴父唆都有平閩功百家奴亦以平閩廣功為海外諸番宣慰使兼福建道市舶提舉守福建俄兼福建道長司宣慰使都元帥是時福建多水災百家奴出私錢市米以賑貧民全活甚眾

閩書

怵兀台蒙古達達兒氏世祖命兀台為閩廣大都督行都元帥府事與江西右丞塔出會兵收降尋拜叅知政事元帥唆都在福建雖有平閩功其麾下擾民南劍等路

福州府志

卷四十六

各宦一

十四

往往殺長吏以叛詔怵兀台代之至則招來七十二寨建寧漳汀稍獲安樂有旨仍鎮閩未幾轉右丞拜江淮行省平章政事

閩書

張孝思字元中僉福建廉訪使事廉直守法摧擊奸貪發庾以活饑民築堤以遏海潦寬征均徭戢兵弭盜復置養濟院以居養無告者

閩書

王憚字仲謀汲縣人福建閩海道提刑按察使黜官吏貪汚不法者凡數十人察繫囚之寃滯者盡行決遣創營屋以居戍兵俾無得寓民舍時行省討劇賊鍾明亮無

功復上言宜選精兵申明號令專命重臣節制以計討

閩書參福
建通志

貢師泰字泰甫宣城人早歲遊京師入胄監吳澄趙孟頫

虞集揭傒斯皆與遊至正十五年為福建廉訪使未幾

除禮部尚書二十年又除戶部尚書按部閩中以閩鹽

易糧從海道轉運給京師凡得糧十萬石朝廷賴焉師

泰文學知名優于政事嘗為監察御史南人居臺省自

師泰始閩書參福
建通志

莊嘉字子敬至正中為閩海道廉訪使閩方多警嘉歷勦

福州府志 卷四十六 名宦一 十五

之歲饑殍死載路救荒有法閩人家置香几每出羅拜

以祝既擢去肖像祀之閩書參福
建通志

燕只吉臺徹理至正二十四年任福建平章政事令行禁

止民便安之汀漳處積盜未平徹理身將戍兵申明約

束毋蹂禾稼毋入民舍過柵不攻示以整暇晝則合圍

山中夜則稅野偃旗仆鼓賊或偽降覘其何為乃具酒

肉飲食曉曰汝昔由汙吏侵暴潛逃居此能棄險還耕

桑則平民矣吾安忍被汝反名便加誅夷悉縱歸之他

柵聞者相率出降餘盜解散卒贈徐國公諡忠肅閩書
參福

程鉅夫初名文海以字行建昌人至正三十年由侍御史授福建廉訪使興學明教士有才行者與之為禮至于正風俗恤民隱獎廉勤察貪殘表貞節尤加之意為政甚嚴然不以微罪棄人吏民畏愛之

萬歷府志

王翰字用文靈武人初襲父爵為領兵千戶省憲共言其才除福州路治中適三魁賊起地險猝難用兵翰自造其壘諭降之泉州土帥柳莽跋扈連劫傍郡邑民懼洵洵翰使人諭之莽遂退擢福建江西行省郎中平章陳

福州府志

卷四十六

名宦一

十六

友定以翰威望素著表授潮州總管元亾屏居永福山中十年洪武中有上書薦之者命下翰歎曰女可更適人哉乃為詩別其友吳海遂自引決翰性強介精敏有膽畧居官廉潔吏畏若雷霆而其行事則一以愛民為主

萬歷府志

子偁自有傳見人物

范梈字亨父一字德機清江人由翰林供奉改閩海道知事聞有文繡局取良家子為繡工吏因為奸梈作歌詩述其弊廉訪使以聞遂罷遣之梈持身廉正所至興學

教民雪理冤滯

萬歷府志

韓準字公衡沛縣人登士以江西行省在丞改福建廉訪使請老未報明兵下閩準藉藁堂下以喪禮自處吏來追其宣勅準取而枕之屬必向吏曰此吾所受于君者必欲取之竝取吾首去吏不敢迫及病遂不服藥而

卒

萬歷府志

藍光字仲晦臨川人受業吳澄善詩文尤精考古制度以辟薦轉閩省照磨陞簡較閩清歲歉盜起光單騎往諭賊黨解散遂總理閩清邑事以靖亂功陞行省都事時八郡騷擾叅政陳有定方事興復光總藩幕蹇蹇持正

福州府志

卷四十六

名宦一

十七

一言不合遂拂衣退省憲交章薦之會明兵下閩光隱居教授年九十九卒

閩書

栢帖穆爾蒙古人至正中累遷福建行省左右司郎中明兵至福州引妻妾坐于樓慷慨謂曰丈夫死國婦人死夫義也城且陷吾必死若等從我乎皆泣曰敢不從縊而死者六人餘一女十歲一男三歲給女曰可稽顙拜佛保我無恙拜下挈囊米壓之出金珠畀男乳媪曰宗不可絕也為我抱匿民舍有急用金珠贖之有頃兵入

城燃燈火發自焚死

閩書

明

王恭濠州人尚太祖公主洪武二年以為福建行省叅政
臨行諭之曰福建從昔富庶元末困于弊政股剝尤甚
民尚未蘇汝往綏之母恃親故國家政令一本至公不
能守法朕不汝縱恭為福州築城守先造一城于城北
跨越王山今名樣樓閩書

鄭湜字仲持浦江人其家累世同居幾三百年號為義門
洪武十四年胡惟庸以罪誅有訐鄭氏交通者吏捕之
湜與兄濂爭下獄太祖義而宥之擢湜為福建布政使

福州府志

卷四十六

名宦一

十六

叅政吏部奏無缺特設叅議官處之湜至吏民間其家
聲相戒勿犯法南靖民為亂誑誤者數百家湜言于諸
將盡釋免有商為盜所殺盜既獲以屍無獲不服湜夜
縛羣盜于庭而匿人案下聽之果得藏屍之處人以為

神居一歲八覲卒于京

明史叅福建通志

鄭思先洪武中福建布政使學通經史為政寬猛適中同
民好惡後以事降主事閩書

陶垕神名鑄以字行鄞人洪武十六年以國子生擢監察
御史糾彈不避權貴劾刑部尙書開濟至死直聲動天

下未幾擢福建按察使誅贓吏數十人興學勸士

軍民帝下詔褒異布政使薛大昉貪暴臣仲劾奏之大

昉辭相連竝逮至京訊實坐大昉罪詔臣仲還官臣仲

清介自持祿入悉以贍賓客未幾卒官

明史

魏鑑洪武九年任福建左叅政有吏犯法寘之極刑太祖

特賜璽書褒之後守制家居太祖聞其居官廉潔復賜

米六十石鈔二十五錠為守服之用

閩書

蔡喆字思賢武昌人擢中書省叅政改四川僉事尋進福

建叅政太祖諭之曰福建地瀕大海民物富庶番舶往

福州府志 卷四十六 各宦一 十九

來私市者衆往時官吏多計利陷罪今命卿往必堅所

守喆對曰臣以菲薄叨承恩命敢不盡公圖報至官廉

明自持以正風俗合人心為要未幾復召還為御史

閩書

王鈍字士魯大康人洪武十年舉秀才授主客主事後復

舉明經屢遷福建叅議叅政寬慎廉介民懷其惠坐轉

漕不給當下獄特宥之

閩書

王璉孟縣人洪武中以秀才任福建按察司副使激濁揚

清精審法律聽訟由理探情不恃鞭撻

閩書

謝肅字元功上虞人以明經授福建按察僉事與陶臣仲

劾布政薛大昉貪墨大昉亦造謗詞劾之竝逮至京

仲肅得直還職大昉伏誅肅能詩文有密菴集五庄日記

郭璉洪武中為福建叅議咨詢民瘼興學勸士立政事處

官僚不同而和嘗遇祭祀猪羊已備御史嫌其小輒退

之民訴璉璉殊書牲頭角曰驗中卒用之閩書

周新南海人永樂元年巡按福建雪冤如神是時武將驕

橫侵凌府縣新奏朝廷設立軍民諸司兩非統屬請自

今府衛相見等禮途遇則分道而行即有公事不許徑

下府縣毋得責辱有司官吏詔書一至雖邊衛亦從藩

福州府志 卷四十六 名宦一 二十

司遣齋都司無與焉悉報可其後為浙江按察使發奸

摘伏名聞天下被誣論死明史叅閩書

邵玘字以先蘭溪人永樂十六年進士授監察御史巡按

江西廣東福建克振風裁時仁宗監國尤所簡知有重

獄數付玘玘感知遇夙夜盡心一時老成推讓之陞江

西按察使丁內艱去服闋改福建廉明如江西而稍濟

以寬大宣德三年召為南京都察院左副都御史閩書

呂升字升章山陰人洪武中鄉貢典教溧陽以薦擢江西

僉事永樂初改山西後復改福建僉事按部至建寧螟

害稼仰天祝之雷雨驟作螟盡死宣德初遷大理少卿
升篤學厲操僕從之類亦訓以論語孝經兩與會試所
薦拔多知名士閩書

衛浩字季洪江南常熟人洪武中以才行貢入太學永樂
初擢御史時仁宗在東宮守北平浩入見應對稱旨賜
經書食物丁外艱歸起巡遼陽克振風裁在朝屢進讜
論上識之曰長面御史直臣也出爲江西副使轉福建
居職鯁挺務行其志有刑部侍郎某巡視閩中得專刺
舉藩郡皆入賄以冀免浩持其不法將奏之其人懼誣

福州府志

卷四十六 名宦一

三

以罪勒停其官

蘇州府志

楊景衡永嘉人永樂中鄉薦以吏部郎出爲福建左叅政
成祖北征用輔臣薦命總督糧餉旣班師復任臨軒慰
諭之曰聞閩人望汝如渴急往無怠後以老乞致仕年
八十餘卒景衡寬厚平恕識達治體居官八考在閩中

垂三十年

閩書

李素平谷人宣德間以副都御史調福建按察使剛方簡

重憲度肅然秩滿民遮留之進二品祿

閩書

齊穆天台人永樂間進士宣德中授福建僉事除害旌善

作興人才入爲右僉都御史爲人剛正清慎內恕外嚴

執法不回敷歷中外三十餘年被服如寒士正德府志

陳祚字永錫吳縣人永樂九年進士宣德二年擢御史巡

按福建方面大吏多被彈擊禁止和買閩人德之閩書

軒輓字惟行鹿邑人永樂年進士授行人司副宣德六年

用薦改御史按福建敷蠹鋤奸風采甚峻正統五年擢

浙江按察使寒暑一青布袍補綴殆遍居常蔬食妻子

親操井臼與僚屬約三日出俸錢市肉不得過一斤故

舊至食惟一豆或具鷄黍則人驚以爲異與耿九疇齊

福州府志

卷四十六

名宦一

二十三

名天下語廉吏必曰軒耿明史

范理字道濟天台人宣德五年進士知德安府以最擢福

建右布政使均徭役平催科黜貪獎廉大兵勦鄧茂七

理調度饋餉朝廷嘉其功賜彩幣表裏仕終南吏部侍

郎閩書

丁俊字秉存豐城人宣德二年進士授廣西道御史剛直

敢言正統閒巡按福建食惟豆腐人稱豆腐御史其送

第佩歸詩有曰菜根有味休嫌淡茅屋無書可借觀以

性至振謫推官卒囊惟敝衣而已福建通志

孫原貞德興人以浙江巡撫改鎮守福建寬而有制
有為尋復巡撫浙江陞兵部尚書致仕萬歷府志

劉廣衡字克平萬安人景泰初巡撫福建平建寧草寇開
壽寧縣治闢省城教場勲績偉著子喬成化閒為福建
按察司副使總督海道平寇息民孫玉正德閒為福建

按察司提學副使黜淫祀崇正學閩人世戴之萬歷府志

許仕達字廷佐歙人正統十年進士景泰初巡按福建時
兵荒之餘欲裁省冗費以紓民力乃置簿分給州縣各
里凡供應所出多寡皆令長里者白書于籍行部輒取

福州府志

卷四十六

名宦

二十三

而稽之郡縣有所畏憚科歛頓省居一年與巡撫可否
事交上章爭辯有旨命仕達還朝閩耆老相率詣闕乞
留之因命復巡按一年萬歷府志

邢宥字克寬文昌人正統十三年進士授監察御史景泰
初出按福建力排撫臣薛希璉延平鎮東二衛互易之
議緩犯禁入海數十人疑獄奏留八郡赴部匠役築永
安等四城後按遼東風裁振一時閩書

倪敬字汝敬無錫人正統十三年進士景泰中按閩有言
闡地銀坑足潤國用下戶部議敬拜命未行即疏引責

德宗故事且言閩地殘于寇盜其僅完者疲敝供億
宜重困之事遂寢鎮守中官戴細保育蒼頭挾勢剝民
敬再上章卒召戴還閩民相慶形諸謠歌景泰末言事
忤旨謫爲宜山典史閩書

李顥博羅人景泰間爲福建按察司僉事公明有斷一時
風裁凜然陞布政司叅政提督海道興化有豪家隸戍
籍連姻衛帥怙勢武斷鄉曲威奪人田地子女莫敢誰
何顥廉得其實捕寘于法闔郡稱快郡有郭孝子墓祠
久廢顥爲重建之其他善政尤多官至工部侍郎萬歷府志

福州府志

卷四十六 名宦一

十四

夏塤天台人天順初巡按福建持憲簡重得大體嘗奉命
考察方面大臣黜陟甚協輿論萬歷府志

吳中賓州人正統十年進士歷福建按察司副使嚴不至
猛行部所至官吏敬憚時未設提學中考較諸生成服
公明閩書

劉鈺安福人父球贈學士諡忠愍爲名臣鈺景泰五年進
士改庶吉士擢御史出按閩中時多務擊搏以峙聲威
鈺獨慎憲度理冤獄察吏治求利病而興除之都指捕
僉事錢略與其長劉姓有郤劉密白鎮守中官誣以罪

乘夜以兵圍其第輅覺而中官遽以輅反聞廷議遣會針覈其事針奏解得釋輅曰微劉御史吾族矣汀州豪欲奪鄰墳以葬其親不與則愬于朝言其地當產天子英宗遣中貴人會針驗之針曰七閩遐陬寧有帝王地耶寘豪于理遷山西副使

閩書

滕昭字子明汝州人正統中鄉舉天順閒巡按福建上杭清流境有地曰紫雲臺鄧茂七之黨嘗據爲亂昭相其要害奏立歸化縣治成化初再以都御史來巡撫

益峻吏民畏服一時山賊海寇悉賴勦平

閩書

福州府志

卷四十六 名宦一

二十五

伍驥字體馴一字德良安福人景泰五年進士天順六年

按閩時上杭山寇李宗政攻破縣治驥至浦城聞事急徑馳至汀帥數百兵抵上杭諭以朝廷德意降者數萬會有議給而誅之者賊遂復反驥督將士逼賊巢命都指揮丁泉領奇兵出賊後焚其寨戒勿深入泉乘勝直擣賊營伏發力戰死之驥督戰益急宗政等皆就擒遂平乃奏設上杭守禦千戶所置軍千餘以爲守備驥因積苦兵閒染癘氣回京卒上杭民肖其像祀之後別廟于布政分司側知縣蕭宏以閩賜額褒忠命有司每

歲仲丁祀焉萬歷府志

鄭佑常山人景泰二年進士天順中為福建按察使副使正而不激寬而不縱持憲務存大體時有旨命巡按御史會藩憲重臣考察郡縣官憲司因推佑以行所至黜陟甚當論者以佑之助為多萬歷府志

游明字大昇豐城人天順末為福建按察司僉事奉勅提督學校待諸生有恩義而尤以公廉著稱滿九載進副使仍提督學校成化間卒八郡諸生皆為位而哭之萬歷府志

福州府志 卷四十六 名宦 一 三

馬文升字負圖鉤州人景泰二年進士天順末遷福建按察使在閩多所興革鎮守中官擾民繩之以法一時僚屬振肅官終吏部尚書年八十五卒諡端肅文升有文武才長于應變朝端大議往往待之決功在邊鎮外國皆聞其名明史參福建通志

秦敬字克恭涿人正統三年進士天順中歷福建左布政使為人粗豪自矜清白精敏待士厚御史嚴出納錙銖不苟下人不敢為私擢右副都御史巡撫貴州以病乞

歸閩

朱賢字從善六安州人天順四年進士擢御史按閩

端方號令簡要凡有罷黜不避權勢幽枉畢達

閩書

徐鏞字用和興國人成化五年進士巡按福建譽望大著

臧否無私後官至都御史

閩書

張瑄字廷璽江浦人成化壬辰以右副都御史巡撫福建下郡縣建倉廩勸富民出粟備荒沿海官軍先因事減支俸糧三十餘年遂以爲例瑄仍舊支給閩安鎮出海有二港元時用鐵索橫絕港口以禦寇歲久廢沒請復之又令小港如大港之制山海寇林壽六魏懷三等攻

福州府志

卷四十六 名宦一

二十七

劫鎮城歲久不獲瑄盡擒之福安壽寧等縣地隣江浙強賊羣聚瑄擒其首葉旺葉春餘黨盡散鎮守太監盧勝暴橫瑄以聞勝坐革去陞南京刑部尙書

閩書

高明字上達貴溪人累官南京右僉都御史致仕成化十

四年汀上杭草寇竊發廷議卽家起之明聞命就道未至寇已平乃躬詣其地招流亾撫瘡痍民旣安輯復奏立永定縣以控制之事竣復賜勅留巡撫福建引疾乞

骸骨徑歸特予致仕

閩書

劉信字朋節南溪人成化十一年進士巡按福建執法不

狗彘善疾惡時各驛遞輕重不均弊端滋甚信與知

唐珣處置得宜民深德之

閩書

路壁安福人正統進士成化閒左布政使先是閩人貢獻供億均取八郡不計大小壁視民數為等差而均其役

又年徵稅價輸京師吏胥因緣為私當事者莫之省壁

悉釐革之以病免

福建通志

章格字韶鳳常熟人舉進士歷官雲南按察使遷福建左布政使擒上杭盜魁減漳泉賦役之繁重者終大理寺

卿年八十卒賜祭葬格敦歷中外幾五十年所在以清

福州府志

卷四十六 名宦一

三

謹聞為人尤號長者

閩書

王繼祥符人成化閒福建按察使憲度明肅後以都御史來巡撫除寇戢兵獎賢愛士黜貪去暴善政居多入為

戶部尚書

萬曆府志

溫琮華陽人成化閒為福建按察使遷右布政使尋轉左卒于官無以為殮御史劉信命以公帑贖歸其喪

萬曆府志

府志

何喬新字廷秀廣昌人景泰五年進士累福建按察副使所屬壽寧銀礦盜採者聚眾千餘人所過剽掠募兵擊

擒其魁福寧豪尤氏殺人出入隨兵甲拒捕者二十年
福清薛氏時出諸番互市事覺謀作亂皆捕殺之福寧
寧德銀礦久絕有司責課民多破產喬新以爲言減三
之二興化民自洪武初受牛于官至是猶歲課其租奏
免之福建市舶中官死鎮守者分其貲遺三司喬新獨
固辭不得輸之于庫仕終刑部尙書卒年七十六諡文

肅明
史

劉珂字本佩安福人景泰五年進士成化閒按察司副使

獨持風裁凜不可犯嘗署督學章縫之士咸景仰

福建
通志

福州府志

卷四十六

名宦一

二五

羅倫字彝正吉安永豐人成化十二年擢進士第一授翰

林院修撰踰二月疏諫大學士李賢奪情還朝謫福建

市舶司副提舉尙書王翱以文彥博救唐介事諷賢賢

曰潞公市恩歸怨朝廷吾不可以效之御史豐城涂棐

巡按福建司禮中官黃賜延平人也請見棐不可泉州

知府李宗學以受賕爲棐所按宗學亦訐棐自解賜從

中主其奏棐宗學俱被徵詞連倫當竝逮鎮撫司某曰

羅先生可至此乎卽日鞫成上之倫得免棐亦復官

何賢卒以學士商輅言召復職卒年四十八嘉靖初諡

文毅

明史

章懋字德懋蘭谿人成化二年會試第一成進士改庶吉士明年冬授編修以諫元夕張燈予杖謫官稍遷福建僉事平泰寧沙尤賊聽福安民採礦以杜盜源建議番貨互通貿易以裕商民政績甚著卒官南禮部尚書諡

文懿

明史

高崧字鍾秀襄城人成化二年進士累官福建按察僉事歷副使按察使在閩最久悉人情僞刑獄不濫尋擢巡

撫都御史

萬曆府志

福州府志

卷四十六

名宦

三十一

周孟中字時可廬陵人成化五年進士歷福建按察司僉事提督學政黜浮華抑奔競訂文公冠婚喪祭四禮先令諸生家行之以爲齊民倡名宦鄉賢濫祀者悉爲裁定士林悅服以母喪去

萬曆府志

劉大夏字時雍華容人天順八年進士改庶吉士成化閒爲福建督糧叅政寬重清謹守法不阿催科無擾倉廩常有十餘年儲積一時屬吏亦皆奉公聞父計一宿卽行後歷兵部尚書爲孝廟時名臣卒贈太保諡忠宣

明史

叅福建通志

吳泰成化閒以御史出為福建運使政尚威嚴風裁凜

吏胥斂手不敢犯福建通志

伍希閔字仲孝安福人御史驥之子也驥以平賊祠于上

杭希閔登成化十一年進士成化末福建按察司兵備

僉事值上杭賊作亂希閔密授方畧遂擒溫留生劉昂

邱隆餘黨悉平宏治八年以母憂去賊復聚都御史金

澤以希閔前有平賊功奏自廣更任踰年賊滅境上以

寧民德之配饗父祠萬歷府志 參閩書

劉纓字與清新淦人成化十四年進士巡按福建沙縣民

福州府志 **卷四十六** 名宦一 **三**

陳富謀妻姪劉釗產為匿名書誣釗殺父竝釗所親獄

已成纓密訊諸里人則釗父寔以負債自殺論富如法

莆田民有隨母嫁而割股療其繼父者有司以孝聞纓

曰虧父體以濟父讐孝如是乎杖遣之琉球入貢挾贖

資與閩人通輒構隙下令禁之仕終南刑部尚書閩書

戴珊字廷珍浮梁人天順八年進士以浙江按察使遷福

建右布政使復轉左勤教養通財賦情法兩當自奉儉

約無他嗜好退食惟焚香讀書終任不持閩中一物閩書

任穀字生之衡州人成化進士宏治初任福建布政右叅

議先是歲採銀參議專督所入久之脉耗採絕民至
儻流亾者衆穀慨然曰民困至此所司不言豈朝廷設
官意哉上章請罷之以調參廣藩去

福建通志

吳洪字禹疇吳江孝子璋之子也成化十一年進士歷遷
福建按察使建寧延平大水輒便宜振貸汀漳軍餉缺
盜賊蠶起取征商之羨賑之土徭戍閩者有所索守臣
集三司議洪曰不與則致叛與之則爲例不若以貸爲
名而姑與之衆皆稱善有富人犯罪賂洪僕吳成千金
成却不受白其故于洪竟置之法終南京刑部尙書卒

福州府志

卷四十六 名宦一

三

年七十八洪居官廉遇事有智畧德量寬雅惠愛在人

蘇州府志

朱文字天昭崑山人成化二十年進士宏治間巡按福建

時積玩之後振綱立紀肅然一新鎮守中官陳道物故

賫貨鉅萬文請籍其數以佐公帑之乏時論避之

閩書參編

建通志

吳一貫字道夫海陽人成化十七年進士以上高令擢御

史巡按閩中黜貪墨均徭役平漳寇海濱漁戶故有折
色本色歲額一定閒有死絕逃亾官輒敷派同甲責令

分償一贖因灾陳言通徵折色又乞令通省十年一次攢造漁課冊如黃冊例死絕逃亾無徵者得以開除新造漏船之未及報與舊有漏報者皆得舉收而補之國課民力通融無虧蔡文莊爲作吳御史利民一事記累

遷江西按察使有平賊功

閩書參福建通志

胡率字惟峻武進人宏治閒巡按福建有慈惠聲歲大稔督所屬覈勘災傷奏蠲其稅瀕海衛所輸糧有舟楫難通者令收折價一時便之

福建通志

陸偁字君美鄞縣人宏治六年進士巡按福建陞按察副

福州府志

卷四十六

名宦一

三三

使巡視海道時海寇充斥編戶焚蕩偁演水戰火攻法拒擊之以什伍編海艘稽其出入立賞格嚴哨探沿海肅然汀漳有嘯聚爲盜者偁增壘三堡據險要偵賊半至麾伏兵張奇夾擣俘賊殆盡子鉅銓俱宦閩藩臬使

福建通志

韓明字惟遠餘姚人成化十一年進士宏治閒欽差福建清軍御史先是府縣進冊者貼解有紙價註誤者有罪米吏胥乘閒科擾萬端明悉清其弊

閩書

郝順字致和東莞人宏治閒右布政使政持大體庭無私

謁惠澤甚溥卒之日公帑羨金數千戒家人勿受曰苟

玷我名節死不瞑目矣

萬歷府志

陶琰字廷信絳州人宏治閒福建按察使性清儉布袍方
烏如寒士諳練刑名獄無枉滯轉布政使吏民習其政
八郡晏然累官南京兵部尚書贈少保諡恭介

明史參
福建通志

汪舜民字從仁婺源人成化十四年進士累官福建按察
使盜竊福清縣庫或誣其仇家已成獄舜民廉得真盜
脫三十人于死抵誣者罪歲旱禱不應躬蒞福州獄釋

福州府志

卷四十六 名宦一

三十四

枉繫輕罪者所部有司皆清獄遂大雨歷河南左右布
政使

明史

魏榮新建人宏治進士以吏部郎中叅政閩藩時古田盜
周馬良等巢穴杉洋縱掠傍近或議欲屠杉洋榮曰杉
洋千家豈盡盜耶渠魁未獲可毒無辜臺使感其言屬
榮經畧榮勒兵要害徐遣父老諭盜曰首亂者周馬良
也能擒馬良餘悉罔治盜大喜縛馬良詣軍遂各解散
流賊復入古田界榮勒市民健者二百人啣枚夜伏約
鼓為號鼓作伏起擊殺數十人餘各奔潰自是終榮任

流賊無敢入界吏民繪像祠之

書

孫燧字德成餘姚人宏治六年進士正德初福建叅政清修絕俗果敢有爲詢民情察利病緩急而興革之一時藩臬臨事多資于燧後以死宸濠之難贈禮部尚書謚

忠烈

書

蔡潮臨海人宏治十八年進士改庶吉士授兵部給事中貴柄用建議遣言官閱驗天下府庫務在擊搏漁利潮當詣閩保惜元氣以存大體閩人頌之轉右給事中歷福建右叅政至則躬冒水災徧歷諸郡運方畧以靖海

福州府志

卷四十六

名宦一

三五

寇嚴徵令以給軍輸相地險隘輒置關梁荆棘化爲康莊擢河南布政使道出建郡郡故有橋名朝天跨交溪捍流適燬于火舟濟艱危民因攀留遮訢潮爲留數月解衣爲倡聞者子來無何畢工人擬蔡端明萬安橋

書

陳珂字希白岷人宏治三年進士自刑部郎出守河間有神明稱擢福建叅政遷按察使時內使陶錦怙勢張皇珂正直無諱陶亦自戢逆瑾用事遣御史捕鹽徒盜賊株連汎濫珂屢與抗陞右布政使武平大帽山鯨賊猾

珂便宜發帑中使三糧芻芟給官軍賊就駢戮轉

左布政使設振貸法定縣役之條寬船商椒粟之征建
通濟橋七十餘丈民咸利之陞都察院右副都御史巡

撫河南入爲大理卿

書

姚鏞字英之慈谿人宏治六年進士廣西提學僉事轉福
建副使值山寇焚掠邵武之建寧鎮巡使往視之鏞籍
被兵者萬餘家瘡痍之民賴以甦息事竣署臬篆汀州
大帽山賊七千餘人攻武平承檄往禦集興泉鄉兵赴
救賊聞風遁迺叅審形勢集諸軍討之賊餒甚閒道走
江西永定民有賴師智部五百人出身禦賊所部多戰

福州府志

卷四十六

名宦一

三

死賊又陰襲其家有司不能卹由是師智擁兵自保鏞
曰壯士也撫而用之師智請効死諸軍倚爲重改督學
使者講求古禮召諸生肄業修閩中諸大儒書院增其
祀田恤其後裔斥林栗顏械之與祀于學正德九年吏
部旌天下方面官十有五人鏞與焉陞貴州按察使轉
福建右布政凡輸錢穀不責羨餘終兵部尙書總制陝

西三邊

書

吳昂字德翼海鹽人宏治十六年進士正德中歷福建僉
事有訟妻殺夫者詞證不符輒坐妻死昂疑之禱于

夢一小兒據人腹續俱得鄉鄰有杜福子者與其夫行賈其夫死福子家驟饒裕昂曰小兒據人腹非杜福子耶遣卒縛至一訊而服人呼爲吳青天後擢福建叅政進右布政閩人踴躍曰吳青天復來矣

福建通志

舒芬字國裳進賢人正德十二年舉進士第一授編修武宗議南巡芬與諸曹連疏入諫帝大怒杖之三十創甚幾斃謫福建市舶副提舉裹創就道世宗卽位召復故官卒年四十四世稱忠孝狀元萬歷中追諡文節先是修撰羅倫以諫謫福建提舉踰六十年而芬繼之與倫

福州府志

卷四十六 名宦一

三

同鄉同官所謫地與官又同福建士大夫遂祀芬配倫

明史

胡文靜字士寧山陰人正德戊辰進士巡按福建福州靈濟宮每歲遣中使掛袍糜金錢萬計知府蔣滌疏罷之猶間歲遣官文靜奏請從便附賫又疏草新設抽分處所及禁約各鎮守衙門橫索助貢等項中官爲之斂戢平海寇王宏瑀解散餘黨勅賜銀幣山寇詹師富等嘯聚剽掠騷擾閩浙廣東三省文靜設計擒獲巡撫王守仁上其功擢南光祿少卿嘗梓李綱遺文表鄭俠故里

拓貢院地鼎新之時有三白雀之祥郡人林瀚為之記

福建通志

毛伯溫字汝厲吉水人登正德三年進士授紹興府推官擢御史巡按福建左布政某用賄入為大理卿伯溫論劾之郡縣征賦率額外取羨幾埒正供伯溫籌畫釐革以復故常後以兵部尚書征安南能任翁萬達張岳以成其功

明史參福建通志

夏從壽字如山江陰人宏治六年進士累遷福建右布政使嘉靖改元轉左海舶踰制巡海者欲沒入之從壽曰

福州府志

卷四十六

名宦一

三

海鄉以舡為業奪之是驅之為盜爾已而失舡者果皆入海從壽榜招之乃首服時有詔赦民田租之半計閩當缺軍餉數月從壽請留歲解銀十萬以充懇疏至再廼得請同時沙姓者為廉使民謠曰地暑偏宜夏布風寒共怨沙廉臺諫遂以此為舉劾擢鄖陽巡撫

閩書

查約字原博海寧人宏治十五年進士嘉靖中以南刑部郎出為福建僉事所至問民疾苦辨冤獄馴奸悍治有異績屬郡旱疫癘大作躬勤禱禳給藥療之清訊囹圄開釋無辜天大雨疫亦良已擢山東副使尋進福建左

布政歲游饑令諸司據上納者悉出穀分貯諸倉備賑
建議躋馬文升劉大夏于祀典以訓官常合羅璟章懋
祀之專祠以厲士節陞應天尹繼命撫山東未到官以
林汝美車小二反獄遇害閩人立祠祀之

閩書

周廣字克之弘治十八年進士嘉靖初任福建按察使閩
故多盜廣分部所屬伐其渠魁凡會讞獄齋戒禱神叅
伍之下咸得其情鎮守中官以廣初至陷之以金廣不
省冀諸府藏比鎮守告窘取金還之鎮守憚服有中官
督織造者橫索民財有司莫能抗廣移檄禁遏終南刑

福州府志

卷四十六

名宦一

三

丙子年補刻

部侍郎

閩書

吳山字靜之吳江人洪之子正德三年進士授刑部郎諫
武宗南巡廷跪五日嘉靖初歷福建按察使山每念閩
爲先人茆棠之地聽斷公明法中行恩民爲之歌曰鳳
之棲兮雛來儀民之瞻兮具是依仕終刑部尙書

福建通志

聶豹字文蔚吉安永豐人正德十二年進士嘉靖四年召
拜御史巡按福建奏罷鎮守太監及中官之司市舶者
追論延平守賊濫黜之擒寇鄭新行部所至奸民猾吏
先得其主名悉捕治之官至兵部尙書

明史叅
閩書

陸鈞字容之巡撫傅之子正德九年進士嘉靖中累遷福建左布政以飛詭新增田補浮糧額賦僉解戶革貼解費復十年出辦料額之法述職京師冢宰許進以地方弊政詢鈞陳四事曰鹽法曰積弊曰寺田曰盜賊冢宰采以上聞著爲令甲陞左副都御史巡撫保定

福建通志

陶承學字子述會稽人嘉靖中以進士擢侍御史歷官閩臬所至誠信泣事無敢以私干者或謂宜少假借以通士大夫之情承學曰彼自無求安用拒自無饋安用辭嚴正之中風貌藹藹見者敬而愛焉仕終禮部尙書

福建

福州府志

卷四十六

名宦一

四

丙子年補刻

通志

邵銳字思仰仁和人正德三年舉禮部第一改翰林院庶吉士嘉靖間爲福建督學副使以變士習重風教爲先孝子節婦多所表揚士翕然化之終太僕寺卿

閩書叅福建通志

謝汝儀字國正鄞縣人正德九年進士嘉靖間福建按察司副使奏設詔安縣安邊館立墩臺蓄番兵爲一方保障視臬篆晉江縣巡檢張隆爲海賊劫殺捕之未獲會漳州民陳大淵等販粟至舟中有防盜器械爲捕者所

誣獄成瘕死已六人莆田民彭僧亨等誣訐人命汝儀廉得其實俱出之巡按御史以聞詔擢用終江西按察使汝儀平生峻整終日斬斬未嘗輕語笑衆中默若無臧否遇大事壁立不可犯

閩書參福
建通志

潘潢字薦叔婺源人正德十六年進士嘉靖間以副使督閩學搜焚市肆中壞教書招下縣童子聚學立輔仁紀業二籍請徐階章袞為諸士師一時士爭矜勵累南兵部尚書

閩書參福
建通志

車純字秉文上虞人正德十二年進士歷福建右布政使福州府志

卷四十六 名宦一

四

未幾轉左洩閩三載操執潔清民有車布不車金之謠陞右副都御史巡撫湖廣

閩書參福
建通志

胡宗明字汝誠績溪人高祖彥申成化中督漕于閩閩人得緩督責宗明登進士嘉靖閒任福建右叅政閩多山澤利稅每遷徙不常逋累滋衆率征于貧民而豪右坐享其利宗明盡括見產而則其賦且均其不根無歸者

積困頓蘇

閩書參福
建通志

高對字仲隆大理人嘉靖十四年進士二十一年按閩時閩政廢弛軍民皆從時至廉諸豪家所為不法狀悉下

吏捕治之無所忌避有富室居還珠門之左木暴橫對
擒其父子戎徒有差故時有高風吹倒還珠門之譚聞
中百餘年稱名御史必曰對曰何維栢然維栢有恩而
對以威勝

萬歷府志

何維栢字喬仲南海人嘉靖十四年進士選庶吉士授御
史引疾歸久之起巡按福建二十四年五月疏劾大學
士嚴嵩奸貪罪比之李林甫盧杞且言嵩進顧可學盛
端明修合方藥邪媚要寵帝震怒遣官逮治士民遮道
號哭維栢意氣自如下詔獄廷杖除名家居二十餘年

福州府志

卷四十六

名宦一

四

起官至太宗伯諡端恪

明史

金城字邦衛歷城人嘉靖十七年進士按閩值佛郎機夷
人入漳州檄海道副使柯喬禦之遂劾浯嶼把總丁桐
及去任副使姚翔鳳受夷人金縱之入境乞正其罪同
安覆鼎山賊猖獗掠漳泉諸縣城與巡視浙福都御史
朱紉督官俘視因上便宜四事其一白葉坂雲嶺地方
跨龍安二縣百餘里山林險阻實爲盜藪請卽其地創
建二堡竝立官舍令漳泉二衛守之而白葉坂尤險遠
孤危宜移源口渡巡簡官兵與之協守其二覆鼎白葉

坂賊既殄滅其中山田可籍入官給軍耕種其三武平
永定等處乃守備俞大猷汎地前爲漳州所調以致覆
鼎賊起倉卒宜行鄰省自後毋輕調遣俾守士官各盡
其職其四地方遇警因損軍令嚴輒不敢動調一軍而
募鄉兵禦敵所養非所用今宜通省領兵官凡有警俱
依北邊例動調官軍征剿其鼓勇行間雖有殺傷仍上
功幕府如引避觀望卽全軍無失亦治其罪事下兵部

覆議施行

福建通志

樊獻科字文叔縉雲人嘉靖二十六年進士按閩生

福州府志

卷四十六

名宦一

三

丙子年補刻

行部有司具騶從供帳甚都獻科戒罷之單車行部從
書吏數人而已島夷犯瀕海諸郡汀州盜阻山爲橫池
大中丞與諸將擁兵鍵城門獻科慨然曰人臣奉璽書
境外苟利社稷專之可也山海方螫毒任事者鍵城自
守如元元何巡撫聞之投袂起視師諸將始決戰島夷

就殲

福建通志

汪宗元崇陽人嘉靖己丑進士以忤嚴嵩由副都御史謫
福建叅政遷右布政外禦倭寇內察民瘼復三運八運
法歲省民金萬餘釐其賦爲正辦雜辦檄汀建諸鹽商

使畫疆而鬻又檄南臺洪塘去其互稅鹽利以與商不

告病轉江西左布政終通政使致仕

福建通志

林烈字孔承東莞人嘉靖甲午舉人以戶部郎中外轉福

建鹽運同知革常例祛積蠹嚴闌出商至如歸離政大

舉而尤以移風易俗為已任毀淫祠以建社學立射圃

日與諸生講習其中申明鄉約使人皆知禮讓撫按取

其教條頒之八閩俾以為法巡按陳公疏于朝曰使天

下之治皆如水口唐虞三代之盛可復見矣一日夢歸

章綬數日而世宗遺詔至遂病卒士民奔哭者以萬計

福州府志

卷四十六 名宦一

器

丙子年補刻

所遺私橐不滿十金子御史培時為諸生往迎喪父老

醵金出境數百里為贐培力却之民遂以金建祠于水

口 東莞志

田汝成字叔禾錢塘人嘉靖五年進士為福建提學副使

汝成博極羣書負海內名所取皆奇士歲當大比汝成

先定諸士甲乙及放榜一如所言人服其鑒

萬曆府志

朱衡字士南萬安人歷知尤溪婺源有治聲遷刑部主事

歷郎中出為福建提學副使待諸生藹然士皆樂親之

極意揆採名雋故所拔多才譽官至工部尚書

明史參萬曆府

劉燾字仁甫天津衛人嘉靖三十九年代王詢為巡撫都御史時倭寇頻年焚掠撫臣與縮不敢戰賊益肆三月復由南臺寇福州燾素有威名善騎射下令開城門往來不禁親率死士千餘邀賊于閩安鎮賊眾數萬燾發三矢斃三酋賊大奔潰赴水死者無算凱旋之日士民歡迎馬首無何復出軍禦倭長樂之北鄉遇賊壺井山下手射二酋賊駭潰逃去以病免倭復至閩人益思之

萬曆府志

參閩書

福州府志

卷四十六 名宦一

望 丙子年補刻

譚綸字子理宜黃人嘉靖二十三年進士有文武才時閩苦倭三衛軍驕不可用適綸方居艱以輔臣徐階楊博薦就家拜都御史巡撫福建綸至以精兵千人自隨召衛卒郭天養數其罪斬之新法令具餼糧責諸將為滅賊計無何都督戚繼光破倭寇殲之境上綸復遣偏師擊古田諸山寇悉平之招撫流移蠲卹死喪閩人始有更生之樂後以地方平定乞終喪官至兵部尚書贈太子太保諡襄敏

福建通志

福建通志

宗臣字子相興化人嘉靖中福建叅議值倭寇至臣守西

門鄉氓祿負求入者幾萬人臣戒門者內之賊倏至臣命善火具者百人置要害賊不爲備火具發死者無算遂潰去後轉督學副使卒于官閩人立祠烏石山祀之同時有胡廷蘭者以督學僉事守東城亦有開門活人

功

福建通志

汪道昆字伯玉歙縣人能古文辭登嘉靖乙未進士以閩藩臬進中丞道昆入閩汗衣蓐食五年于外其畫軍事首議餉次議兵三議責成四議事任宿將如俞大猷戚繼光湯克寬輩皆專倚而推轂之轅門士伍待以殊恩

福州府志

卷四十六 名宦一

吳

丙子年補刻

咸感激爭奮遂破吳平夷龍頭寨殲楊一蘇阿普餘黨倭患以平後官至兵部左侍郎

福建通志

姜寶字惟善丹陽人嘉靖末督閩學待士嚴而有恩闢崇正書院拔郡邑高等課業于中諸生翕然奮起有浮屠萬靈者妖言惑衆愚民多縱妻妾入聽經寶聞下令捕之杖幾死擢南京太常寺少卿官至禮部尙書太子太

保

萬曆府志

蔡國珍字汝聘奉新人隆慶初爲按察司提學副使持身介馭士嚴所墮賞皆知名士後先得雋殆無留良又時

時進諸生談說義理造就為多與部使者不令稱病

後再起官至吏部尚書

萬歷府志

何思贊字紹襄順德人隆慶初福建轉運使初下車禁常例祛宿蠹廉潔自持商人供應悉卻不受衙齋泊如也思贊性質直恥事脂韋故不近名而人亦弗知三載辭

官歸

萬歷府志

殷從儉字汝中臨桂人嘉靖甲辰進士隆慶間巡撫福建時倭寇初殄瘡痍未復從儉廉靜簡約節用愛人一事休息方倭至時籍民丁田為戍餉名曰丁四糧六每易

福州府志

卷四十六

名宦一

四七

一撫臣輒增分數即歲稔必取盈從儉悉復原制蠲無藝之征所著八閩政畧皆其躬行者也居官不以妻孥自隨衣不文采食不兼肉及卒于官有司入檢其橐月俸十數金而已士民奔赴聚哭柩出國門縞素設祭軹道不得西為建祠于西湖以祀

萬歷府志

周浩字毅夫錢塘人隆慶中為福建轉運使一塵不染商有常例錢歲計可千餘緡輒進而輒卻之曰爾無逋課

足矣卓有清名時稱其操

萬歷府志

龐尚鵬字少南南海人嘉靖癸丑進士萬歷初代殷從儉

巡撫福建甫下車求民利便而張弛之吏民軍帥士卒皆得自達復請于朝蠲八郡五十邑逋徵五十餘萬計舟航之費商賈之征冶鑄之利寺觀之科悉哀以予民歲亦不下萬計其所行一條鞭法賦額易知雖下戶里民皆曉然輸納之數初在浙有搏擊聲及撫閩墨吏望風解印綬去而尚鵬更爲寬大簡便不擾踰年擢左副都御史去之日深山窮谷扶老挾幼遮道哭送其卒也閩人爲之罷市與殷從儉竝祀西湖上歲時伏臘尚呼

爲龐公福云

福建通志

福州府志

卷四十六

名宦一

哭

徐中行字子與長興人嘉靖進士授刑部郎與李攀龍王世貞以詩文齊名萬歷初爲福建兵備副使尋轉督糧叅政廉得猾胥蠹倉者悉置之法進按察使讞決稱平城西湖濱隙地没于豪右水利湮塞下令復之捐俸勸閤築堤閩人爲祀于西湖之傍

福建通志

商爲正字尚德會稽人隆慶五年進士選刑部主事改御史萬歷初按福建行部所至延問風俗勞來農桑小民日入訴事無所阻因盡知閭閻疾苦吏賢奸狀持以陰重不安發發輒中窾會與巡撫龐尚鵬協策行一條鞭

法罷商稅禁舖行學校橋梁百廢具興民有麗父商母
之謠福寧衛軍亂縛指揮懸旗閉門總兵某急謁問計
爲正令持牒數指揮罪逮繫之因開其告愬然後求首
亂者誅之事卽解總兵從其計已果定舟師戍海獲倭
百餘械以獻爲正曰倭非木人格鬪移時我卒獨無一
創者耶引至庭鞫之具言本閩人商海所給文引爲邏
卒所奪一囚解行纏則片紙名籍具焉移檄驗之果信
皆得釋念緣海兵寡而戍籍勾補賫迭展轉數千里勞
苦逋逃疏請改戍近郡朝旨是之使滿報命父老祝香

羅拜跪送者千餘人所脫囚擗踊呼曰吾小人不遇公
肉飼犬豕矣爲正所疏議皆達大體文詞宏練執政嘆

服閩
書

陶大順字景熙會稽陶諧孫嘉靖四十四年進士歷官福
建右布政使司帑失銀吏卒五十人皆坐繫大順言于
左使曰盜者兩三人耳何盡繫之爲請爲公治之乃縱
囚令跡盜果得真者御史將決囚請大順條當決者大
順列十人以進御史置衆囚名筒中沐浴拜禱曰此民
命某不敢專惟神告之探筒先後與大順所列甲乙相

符御史喜謝曰公可謂上合天心矣終右副都御史

西巡撫明史參
閩書

舒應龍字時見全州人嘉靖四十一年進士累福建布政使諸郡縣所上鏹徃徃解役與吏通陽入而陰出之或洗補文書令無所稽覈應龍一見輒發其奸終其官吏不敢犯壬午提調秋試綜理詳盡宿弊一釐官至工部

尚書總理河道萬歷
府志

胡定字正叔崇陽人萬歷初為提學副使愷悌愛人敷教以寬時士鮮習古文詞定所獎拔皆蘊藉博雅不拘拘

福州府志

卷四十六 名宦一

五

于舉業者擢浙參政去士感其知勒石道山頌之萬歷
府志

王世懋字敬美元美之弟也嘉靖己未進士萬歷乙酉以在告起福建提學副使督閩學七閱月八郡考核俱遍手不停披口皆成誦居官清約嚴謹人不敢干以私擢

南京太常寺少卿移疾歸卒于家萬歷府志參
列朝詩集

趙參魯字宗傳鄞人隆慶五年進士督學福建時學使阿執政意操士如束濕參魯一切以寬行之甲乙多奇中萬歷十七年以右副都御史巡撫福建行鄉約保甲法閩境少盜寧德之支提寺故盜藪也僧大千請內降藏

經將聚徒其間過三山參魯留勿遣姦商黃錦輩關道
諸夷開島興界參魯捕置重辟躬行海上蒐軍實嚴海
禁疆事大飭終南刑部尚書累加太子太保致仕卒諡

端簡 明史參
閩書

陳性學字所養諸暨人萬歷庚子為福建按察使晉右布
政為人寬和撫下有恩延接士大夫以禮時值稅使入
境之初人心沟沟多方調停民既不擾稅使又蒙其成
遂薦之為時議所短其實全閩陰受性學之賜而臺省
之臣莫知其由也 萬歷
府志

福州府志 卷四十六 名宦一 五十一

譚啓字繼之大寧人萬歷中為按察司副使啓先為御史
以風采著泣聞守正不阿時首輔張居正素怨同安侍
郎洪朝選撫臣勞堪阿意羅織其罪逮獄斃之啓朝選
督蜀學時門人也力白其冤不聽即日解印綬歸 萬歷
府志

參福建
通志

鍾昌字繼文東莞人萬歷中任福建轉運使昌為人簡樸
恬靜公暇臨池賦詩其視羨金贖鍰若將免焉至于疏
鹽法祛鹽蠹雖貴勢不為奪及參知滇南卒于官幾不

能 福建
通志

一驥字希我江陰人萬歷閒巡撫福建會稅監高案
命兼管粵稅案造樓船治戎器招亾命徵集百貨將出
與諸夷市而躬自往粵民集其門索市直不與因羣譟
案所殺傷百十人射火箭焚民居無算復馳入轅門請
救一驥叱曰爾虐吾民何救爲案邀至通衢百姓羣將
殺案一驥諭止之俄流言以一驥鼓民與案爲難遂屢
疏乞歸士民赴闕請留溫旨褒嘉閩人祀之九達之衢

閩書

沈儼炳字叔永歸安人萬歷十七年進士有文武才閩督

福州府志

卷四十六

名宦一

五

學副使三年考校咸頌得人
不徇權貴尋遷建寧道紀
綱肅然屬吏憚之四十七年以右副都御史巡撫雲南
有討賊功後拜南京兵部尚書

明史參福建通志

鄭三俊字用章號圓岳池州建德人萬歷二十六年進士
督學八閩獎拔滯才蒐羅無遺一切竿牘屏弗進與劉

宗周齊名

萬歷府志

黃亮錢塘人萬歷辛丑進士任水利道疏濬省會內河

於塞及轉督學公明嚴正品題允當私竇盡絕後又築

室武夷五曲聚徒講學學者卽其地祠祀之

福建通志

居益字思受渭南人舉萬歷二十九年進士天啓三年
擢右副都御史巡撫福建紅毛夷者海外雜種紺眼赤
鬚髮所謂荷蘭國也自昔不通中土由大泥咬啣吧二
國通聞商萬歷中奸民潘秀引其人據澎湖求市巡撫
徐學聚令轉販之二國二國險遠商舍而之呂宋夷人
疑呂宋邀商舶攻之又寇廣東香山灣皆敗不敢歸國
復入澎湖求市且築城焉巡撫商國祚拒之不能靖會
居益代國祚賊方犯漳泉招日本大泥咬啣吧及海寇
李旦等爲助居益使人招旦說攜大泥咬啣吧賊帥高

文律懼遣使求款斬之築城鎮海港逼賊風櫃賊窮蹙
泛舟去遂禽文律海患乃息時閩提學鍾惺大通關節
丁父憂去職尚挾姬妾游武夷山而後卽路居益疏劾
有云百度踰閑五經掃地化子衿爲錢樹桃李堪羞登
駟驢爲臯比門墻成市公然棄名教而不顧甚至承親
諱而冶遊疑爲病狂喪心詎止文人無行惺坐是沉廢
五年遷工部右侍郎總督河道爲給事中黃承昊所論
削籍閩人詣闕訟之不聽乃立祠以祀勒碑于澎湖及

吳之屏號諤齋石門人萬歷進士福建糧儲道尋轉督學
杜苞苴謝請謁凡試士弊竇摘發一清嘗建黃幹陳孔

碩特祠以崇理學

福建通志

鄒維璉字德輝江西新昌人萬歷三十五年進士官吏部
疏叅魏忠賢削奪爲民尋下獄謫戍崇禎五年由僉都
御史巡撫福建維璉至察吏安民禦倭弭盜竭力匡救
時艱至廢寢食然與政府不合謂其黨東林也明年值
紅夷之亂攻閩之霜山維璉檄鄭芝龍急擊之芝龍以
粵寇未靖自引兵至福寧與戰後期不至而紅夷復操

福州府志

卷四十六 名宦一

五

大艘突入中左焚我戰艦官軍多死傷者維璉乃還福
州趣發給漳泉募戰士犒有功授諸將方畧以陸兵截
嶺道布水兵阻諸港乘小舟出奇擊賊諸將皆奮芝龍
自福寧來亦誓死戰斬獲無算賊遂棄中左入大洋維
璉因上疏劾芝龍縱夷之罪芝龍方有內援上先入其
言下部議維璉罪亾何賊復犯石灣海澄同安諸處維
璉皆擊走之先後捷上復自劾不能平賊爲芝龍所誤
而吏議已下竟奪維璉官是時維璉方大集舟師自漳
州調發諸軍至銅山與賊遇苦戰凡八晝夜大敗之生

擒酋長數十人焚其舟艦器械畧盡捷聞上命只論
士功維璉破賊班師還福州始知罷官因上疏白明不
報遂解組歸久之卒維璉撫閩三年山勦海戰頗有成
算大有功于閩乃爲政府以門戶讒抑中外惜之東林傳
張肯堂字鯢淵華亭人天啓乙丑進士崇禎閒巡撫福建
詰奸飭吏風紀凜然嘗題驛亭云正人之喜難窺所可
窺者見良繭佳禾雖孝肅豈能無笑仁人之怒易解所
不解者對奸胥猾吏縱日知未免生嗔時服其格言及
爲開府鎮定不阿明亾全家赴水死福建通志

福州府志

卷四十六

名宦一

五十五

郭之奇字正夫揭陽人崇禎戊辰進士任督學藻鑑文藝
力追古雅所賞識多英雋之士又嫻于武畧時本省都
督缺官當事破例委任值閩清諸邑山寇竊發之奇披
韎韜躬行閒直搗其穴羣盜以平末年閒關鎮粵自縊
于桂林府明倫堂福建通志

國朝

○佟國鼎遼東人順治三年任巡撫招流亾安反側遠近
懷服戊子歲饑土賊聚衆圍城適大兵進討兩粵留守
不滿千人國鼎探知賊情伏精騎近郊擒斬渠魁王細

居李夫人等賊潛遁又令副將王進田勝等勦捕已
餘寇境內以安時巡按周世科專任酷刑每一獄成蔓
延數十家百姓惴惴國彙濟以寬仁多所全活福建通志
○張存仁遼東人順治初總督福建時閩始歸命百務草
創存仁多方拊循兵民戴之福建通志

○周亮工字元亮祥符人明崇禎十三年進士順治四年
任福建按察使值芝城陷寇劍南道梗乃由杉關入閩
駐邵武八閱月屢著却寇功既涖省爬搔垢敝與民休
息時寇患頻仍告訐者多以通賊爲辭亮工多所平反

福州府志

卷四十六

名宦一

五

六年擢本省右布政屬汀寇猖獗檄攝汀南道篆降賊
首曾省復以次勦平邵武耿虎建寧陳和尚延平吳賽
娘諸劇賊旋署漳泉道海寇鄭成功據廈門率衆來攻
亮工繕軍需鳩民兵固守收葬被難屍骸八十餘萬贖
陷賊子女千餘人十年轉左布政前後兩署督學兼攝
兵道海道尋陞都御史十三年以呈誤赴閩省聽質海
賊甘藍郝三姓率千艘從閩安鎮入內地焚掠南臺圍
會城巡撫宜永貴從士民之請以亮工守西南門賊乘
大雨薄城勢張甚亮工手放大砲擊殺渠帥三人賊怖

解圍去閩人爲建報恩祠刻石射鳥樓紀其事

福建通志

○陳錦字天章瀋陽人順治五年授閩浙總督偕大師入閩延平向有將軍寨俯瞰順永將沙四邑延袤連諸郡巍峭特甚寇巢穴其上總兵王之綱圍擊不下錦統大師集四郡民壘土填坑高與寨齊乘以登陴克之賊遂平會歲大饑郡邑多陷錦調兵收復殘黎賴之漳州圍急錦赴援至江東橋戰失利退次同安夜半爲刺客所害

福建通志

通志

○李率泰字壽籌瀋陽人順治五年以刑部侍郎偕督臣

福州府志

卷四十六

各宦一

五七

率兵收復建寧興化同安各郡縣凱還晉吏部左侍郎出總制兩廣尋改浙閩十三年攻取浙舟山乘勝由海道克復閩安鎮專督福建造戰艦備糗糧布閒諜廣招徠于時鄭鳴駿鄭纘緒黃廷周全斌陳輝等各率衆來降康熙三年又請進勦遂克金門廈門諸島屢疏乞休不許卒于官

福建通志

○佟國器遼東人順治八年任福建左布政使十年擢本省巡撫閩自明季版籍淆亂兵燹之後戶口散亾吏胥那移作奸里民大困國器檄行郡縣履畝受種現丁輸

稅民乃得甦時海寇披猖禁旅征勦飛芻輓粟刻期猝
辦又累疏陳請撥給淮浙鹽餉協濟軍食簡選將士于
延建各郡勦殺賊首吳賽娘劉飛亮等招撫陳德容林
忠蔡昌隆等山寇悉平閩人至今頌其功

福建通志

○宜永貴遼東人順治十二年撫閩明年病瘿海寇猝薄
城下時大師悉赴漳州城中騎士僅數十永貴力疾率
士庶登陴每堞守以一壯丁十堞領以一庠士每門率
以縉紳數人永貴晝夜拊勞與城守王玉璧合力固守
起廢弁田勝等令領騎兵易服更番分出七門接戰每

福州府志

卷四十六

各宦一

五十六

多殺獲寇三薄城皆計却之嘗坐射鳥樓寇悉衆攻砲
什侍役永貴神色不動指揮自若捍禦匝月因發大砲
殲其渠魁圍乃解是役也四郊烽火孤城坐困卒能以
少勝衆轉危而爲安

福建通志

○張尚字仙羽遼陽人順治十二年任福建右布政寇陷
漳州泉郡震動進勦官兵資糧供億日費金錢萬計尚
沿海往來備歷險阻親冒矢石相機宜贊方畧卒復漳
州擢右僉都御史去閩人思之

福建通志

○陳瑾字碧峰黃岡人甲戌進士順治十四年督閩學清

介絕俗振拔幽滯黜險偽之文公暇與諸生論文講學

著有陳子性書

福建通志

○許世昌遼東人康熙元年巡撫福建先是海寇陸梁沿海諸郡製造戰艦大砲部以浮價駁減二十餘萬世昌慮依議核減勢必分派之民具疏力請准銷又請蠲順治十二年以前牛角等稅加價一十餘萬免民屯久荒田糧六十餘萬給遷界窮民牛種勸令開墾田園復念播遷之後饑寒癘疫捐俸委官于七門及近郊各處賑粥施藥全活數百萬人時有仁天活命之謠

福建通志

福州府志

卷四十六

名宦一

五十九

○金光祖正白旗人康熙元年任福建右布政使遷界令行光祖多方撫恤向化新附之衆安置有方軍旅雲屯籌餉給兵未嘗有所闕至驕弁悍卒嚴禁飭之無敢橫肆闔省賦役均平里胥積弊以清

福建通志

○趙廷臣字君鄰河南人順治閒以雲貴總督改浙閩漕官寬厚有古大臣風康熙三年以葬母請假浙閩攀轅乞留叠疏墾墾請情詞哀切暫許歸葬畢仍赴任七年抵閩鋤蠹剔奸政聲赫然用數月奉命巡海偕滿洲大臣

從福寧入寧波卒于途

福建通志

○范承謨字覲公號螺山漢軍鑲黃旗人大學士文程仲子也順治壬辰進士改庶吉士歷官都察院右副都御史巡撫浙江有惠政康熙十一年冬加兵部右侍郎兼都察院右副都御史總督福建軍務先是吳三桂耿精忠尚可喜三藩竝議撤回京師承謨抵任後吏部侍郎陳一炳奉

命至閩爲耿精忠治裝時人心惶惑兵權久屬藩下督撫兵單承謨目擊心憂十二年冬吳三桂果反于雲南時因滇警民窮思亂承謨念非省刑薄歛無以收人心乃福州府志

卷四十六 名宦一

李

密上封事奏言之又請復沿海居民界興屯田章屢上皆切利病精忠自襲父爵驍蹇多不法憚承謨威望引姻婭少長誼執禮甚恭承謨相見一遵儀制未幾又有詔止閩藩弗撤精忠終不自安遂陰同三桂謀逆承謨覘其言貌異常深憂之欲出巡海嶠赴漳泉閩鎮兵以遙制之精忠力撓其行蓋督標兵僅三千人皆習與精忠部曲狎處脫有變不足恃也閩兵之行不果乃密檄諸道將以謁新總督爲名各率健兒至用折逆謀檄甫行而精忠反佯言海寇且至邀總督議事左右請擐甲以

從承謨曰衆寡不敵躁動奚濟未幾巡撫劉秉政亦
促同行承謨知事有變局故坦然按轡比至逆邸已露
刃蜂屯遂挺身而前仰天大罵賊衆環臨重加束縛時
一二叛卒有誤持劉臂者逆黨馬九玉急叱曰巡撫我
一家人秉政惶恐斜趨而出承謨噴血切齒醜言痛詆
賊衆拘之隘室水漿不入口者八晝夜舌敝唇裂齧肉
皆腐罵聲漸微聞者猶狼籍塞耳瞋目怒視閱十日神
氣反旺自度不能死稍進杯水精忠復遷禁入內峻堵
密棘防之益固一日忽遣逆黨劉秉政來說降承謨扭
械被項肘令兩卒扶之下牀劉且進且揖方冀有所陳
說承謨奮足力蹴之劉狼狽失故遂仆他左右掖之而
出承謨曰諸逆無道自當旋即誅戮我擊之先禡其魄
耳在幽繫中七百餘日日冠

御賜冠衣辭母時衣每逢朔望輒奉時憲書一冊懸北墻
上被械北向拜跪溽暑時濕蒸如膩蓬垢支離虱蟻蚊
蟻攢嘍不休冬深夜永雪飈海氣侵入肌骨甘之如飴
罵之餘閒作詩文無毫楮燒桴存炭畫壁上得詩若
十首復爲文自叙其生平大槩焉十五年九月

王師破仙霞關精忠降飾辭希免死慮承謨白其實于九月十六夜遣逆黨來加害承謨時方側卧聞變微笑曰今日方畢吾事索

御賜冠賊黨召八者奪而擲諸地復蹴之承謨怒以械索摔其頭幾斃乃披衣露頂望闕九叩首遂遇害一時同死者自幕客至隸卒凡五十三人初承謨被執部曲有張福建者聞變手雙刃大呼奪門當之者無不立斃力竭被執賊愛其勇欲全之大罵不屈卒就死繼而精忠以三十二人堅守承謨中有蒙古人嘛呢者爲僞散

騎郎謀欲免承謨事泄精忠訊之大言曰范公忠臣爾逆賊寧與忠臣同死不願與逆賊同生精忠怒磔之又

有泰寧人許鼎者義其所爲恒陰左右之凡所存片紙隻字悉爲收藏精忠旣害承謨令賊黨焚屍棄之山野鼎預往伏匿夜分行亂石宿莽中覓得燼體藏于家明年負骸潛行紆折萬里竟達京師事聞

聖祖震悼遣內大臣佟國維等三人御前侍衛二十人齎大官茶酒哭臨其喪十九年精忠伏誅當赴市曹時承謨子時崇親執刃寸磔其肉取其心以祭父

聖祖念承謨純忠大節卹典槩從優厚營葬加祭加贈太子少保兵部尚書諡忠貞八旗通志

○王國泰奉天蓋平人初為福州同知逆藩蓄異謀國泰每偵之以告總督范承謨後佐郡泉州康熙十六年遷

福建鹽驛道會耿逆初平海氛尚熾國泰辦應夫船予直不以擾民泉州告警請破賊募壯勇數千人授衣糧

甲仗率先士卒奮呼擊賊泉人素啣其恩効命恐後賊大潰圍解叙功增秩擢安徽按察使福建通志

○郎廷相遼東人康熙十五年任福建總督時逆變初定福州府志 卷四十六 名宦一 十三

餘孽猶熾連營數十里廷相勦撫互用沿海諸郡次第悉平滇逆遣偽將軍韓大任樂燦等部衆十餘萬由江

右進寇廷相詳諭之以利害大任等感激輸誠閩疆帖然前興泉漳三郡士民為耿逆拘繫者以千計廷相盡

省釋之給資以歸福建通志 ○姚啓聖號憂菴其先為浙之紹興人由漢軍籍康熙癸

卯科順天第一始任香山縣以註誤去十三年耿逆作亂起為台州郡佐尋擢溫處道十五年隨 和碩康親

王入閩為福建布政使閩台白耿逆肆殘民不堪命啓聖

務有以休息之豁除浮役慎持管鑰吏休然斂手莫敢
爲奸時海氛未靖啓聖每自備衣糧募壯勇有澄清海
外之志嘗曰 國家聲教無外今逆藩削平奈何以臺
灣一彈丸塵 宵旰憂使沿海居民不遑寧處乎會總
督郎廷相罷去以啓聖代之于是得爲所欲爲而平臺
之計決矣十八年移駐漳州與臺邇間謀可施乃大開
招徠館使隨征叅議道黃性震董其事賊降者無眞僞
皆納之高宴華軒焜煌于道令福州同知蘇良嗣督造
戰船委隨征同知林昇督糧運旣數月賊稍有降者卽

厚其賜予寵以禮貌使聞者心動先是僞將軍朱天貴
來歸啓聖知其勇且熟海道諳賊形勢特䟽請以天貴
叅軍事至則引入帳中相與卧起供帳過于自奉天貴
感激竭誠致命得其死力遂增置火炮軍器買上游米
石以圖大舉會蘇良嗣戰船亦報竣乃夜馳三百里至
閩安鎮之五虎門親自配舟調遣精練水師隨又赴漳
使興化知府卞永譽泉州知府張仲舉往說賊降而僞
行人傳爲霖雖約爲內應實心持兩端啓聖以計殺之
十九年二月癸未乘賊懈遣兵攻破陳洲馬洲觀音山

石碼十九寨甲申復遣隨征遊擊張定國都司張
引兵直抵海澄城下招僞總兵蘇侃爲內應攻拔之遂
復海澄丁亥復金門廈門賊勢窮蹙退保澎湖二十年
啓聖自以北人乘舟終非素習軍中不可無帥具疏上
請

天子以內大臣伯施琅爲水師提督既至與之籌兵料敵
經畫方畧于二十二年六月乙酉從平海進兵癸巳克
澎湖七月丙申鄭克塽率衆歸誠海外悉平朝命加啓
聖宮保予世職凱還後 題復海界遷民復井疆又置

福州府志

卷四十六

名宦一

奎

通省郡邑學田尋以病卒于官櫬出西郊士庶跪奠流
涕爲祠于洪江泮祀之啓聖美鬚髯多智計其初議平
海也賊遣偵者數輩覘動靜啓聖故示以弛緩會元夕
張燈與文武大僚置酒還珠門樓上若無意用兵然漏
下二刻稱疾命屬吏行酒而啓聖已聞南關疾馳至五

虎門調將出師矣其用兵類此

福建通志臺
灣府志合纂

○吳興祚字伯成遼東籍其先爲浙江人康熙十五年隨
大師平閩授福建按察使十七年擢本省巡撫時逆孽
方除海氛猶熾總督姚啓聖銳意削平興祚力爲贊畫

水陸輓運軍餉常充又以重兵悉赴泉漳會城空虛聯絡採捕漁舟以備不虞建復沿海遊寨以資保障啓聖得以專心一力無返顧憂以有成功

福建通志

○于成龍永寧人康熙十八年任福建按察使折獄平允八郡咸稱無冤遷本省布政使自奉如寒士疏水粗糲極人之所不堪一切餽送屏絕弗受潔已奉公清節爲天下第一擢北直巡撫去民至今稱之

福建通志

○張所志字淡明遼東人康熙十八年代于成龍爲按察使剛直嚴明讞決不滯遇冤獄力昭雪之閩俗健訟所

福州府志

卷四十六

各宦一

李

志欲矯之不輕受民一牒刁風爲之息護理撫篆值用兵海上督造戰艦趨運軍糈調度有方擢江西布政使

福建通志

○佟康年字晉公遼東人康熙十九年任福建布政使恤災傷施醫藥以濟人救物爲事閩候二邑里役逋糧拖累有年康年捐數千金代爲償補民甚德之

福建通志

○丁蕙字次蘭豐城人康熙丁未進士二十一年提督福建學政慎甄別拔單寒優等生員捐俸獎賞飭教官及有司設立門簿毋許生員擅入公門捐修會城閩候暨

漳邵十餘縣學 文廟先賢名宦祠宇極力增葺累費

至數千金學舍地租槩乞豁免以甦窮黎

福建通志

○王隲山東人康熙二十七年任浙閩總督甫入境聞湖

廣夏包子之亂卽駐節延平授文武方畧爲征討大師

聲援楚氛旣靖赴任會城時有不逞之徒竄名行伍煽

惑愚頑隲密遣將校擒獲杖斃兇徒解散四境晏如性

清介凡兩省官弁餽送手書開示數百言一切禁絕又

訪知邊海州縣報墾荒田多不實及晉大司農遂力請

查勘豁免逋年虛報課銀若干萬兩民免賠累之苦

福建

福州府志 卷四十六 名宦一 七

通志

○高曰聰膠州人康熙癸丑進士二十七年提督福建學

政端方嚴正屏却苞苴直請托不行兢兢三載如一日每

檄各屬以禮待士士氣駸駸振起總督王隲深嘉之嘗

奏其校士公明爲天下督學第一

福建通志

○郭世隆字昌伯滿洲籍孝義人康熙三十四年總督閩

浙端已率屬以愛民恤兵爲事毀淫祠數十區五顯嶺

舊有五顯神祠同日自燔人以爲正氣所感捐俸葺宋

儒林之奇祠宇凡賢裔優免銀兩草除者悉復之後晉

刑部尚書福建通志

○汪楫字舟次儀真人康熙開舉博學鴻詞科三十四年遷福建按察使涖任甫三日逢熱審楫剖析欽部大獄五十餘案省釋坐誣逮繫者八十餘案囹圄幾空會大比榜揭宴鹿鳴一舉子直前哭伏地曰某卽某案罪人也爲豪貴局陷賴公昭雪得至于此有奸民以假命誣某縉紳問官周內之獄幾成楫立白其冤驕卒發某將弁陰事情法難兩全且時以不測挾所司楫一訊羣魁俯首帖服勲貴爭沙田以勢挾上官不敢撓楫堅持不

福州府志

卷四十六

名宦一

六

可負勢者膽落未三月卽擢本省布政使丙子歲饑發帑金採買上游米石竝請運臺郡積穀平糶價銀歸項國不病而民食充後內召去福建通志

○汪薇字思白號棣園歙縣人康熙乙丑進士三十六年任福建督學道以崇實學端士習爲首務考校公明斷絕請託嘗自題文場楹帖曰爾無文字當安命我有兒孫要讀書卷必親閱甲乙評跋賞識精當倡議購棘院附近軍營廢地易席棚爲號舍毀坊刻淫詞正人心術秩滿去肖像祀于道山卒之日九郡士人聚哭之福建通志

○梅錡號桐崖宣城人康熙丁未進士四十年巡撫福建簡重鎮靜政持大體凡海邦名勝先賢遺蹟悉加表揚以志景仰琉球歲來貢琛向有私覲常例錡堅却不受貢使悅服肖像歸祀古田令陳璜慈惠清介錡特疏薦舉不次超擢後亦撫閩

福建通志

○沈涵字度汪號心齋歸安人康熙丙辰進士四十二年以右庶子督閩學政入仙霞關仰天誓曰某敢有負此心者不復過此關矣念閩理學名儒後先接踵疏請揚時游酢胡安國羅從彥李侗蔡元定蔡沈黃幹真德秀

福州府志

卷四十六

名宦一

六

九賢祠各賜

御書扁額以重師表試士公明雖勲貴周親罔徇請託所拔多名宿每于進謁時以植品潛修畏罪懷刑爲諸生誨勉諄諄于朱子分年讀書之法士習爲之不變秩滿去閩人創清茗書院肖像祀之官至內閣學士禮部侍郎卒士哭之如哭汪蔽

福建通志

○李斯義字質君長山人康熙戊辰進士四十四年巡撫福建潔已愛民興文造士所行善政悉本至誠念閩地人文日盛每科應試多至萬人與布政使高緝虜集議

拓貢院旁隙地復購民居增號舍千餘楹葺共學書院
拔髦士延碩師考業論文更檄行州縣各立義學教貧
上之無師者復嚴溺女之禁創育嬰堂收養遺孩檄行
八郡全活甚衆後以酷暑步禱積勞成病卒于官士民
肖其像于共學書院祀之

福建通志

○張伯行字孝先儀封人康熙乙丑進士四十六年巡撫
福建甫下車卽以表章道學造就人才爲先務購求宋
儒遺書手爲評釋授梓創鼇峯書院建藏書樓先後積
數萬卷徵八郡佳士讀書其中每月具飲饌集諸生考

福州府志

卷四十六

名宦一

七十

課口講指畫不少倦于一切吏事復剖決若神閩俗買
貧女爲婢凡男子勞役悉以屬之婢有至無齒不嫁者
或鬻之尼院得價倍而弊乃甚于錮婢矣伯行諭令贖
歸閒或分俸代爲償而歸之特嚴幼女爲尼之禁民感
其義俗遂革伯行性峭介自奉菲約官吏化之率以清
節著民愛之語曰爲民如慈母訓士若良師尋調江蘇
巡撫八爲戶部右侍郎洊歷禮部尚書卒諡清恪在閩
所著有濂洛關閩書道南原委學規類編正誼堂文集

養正編等書共數十種

福建通志

○范崇字自牧瀋陽人忠貞范承謨子初爲福建使明允哀矜慈而善斷以朔望詣道山忠貞祠展拜慟不自勝僚屬爲之感泣擢山東布政晉廣東巡撫四十九年總督閩浙周恤以隱振起人才嘗語人曰閩爲前人殉節之地重以兩世節鉞

主恩深重愧無所以報稱者尋入爲兵部尚書士民慶承

謨有子竝祠之道山

福建通志

○覺羅滿保號鳧山滿洲人康熙甲戌進士五十年巡撫福建飭紀陳綱綜煩治劇有開濟才未幾總督閩浙五

福州府志

卷四十六

名宦一

七

十二年奉

命巡海復遊寨置烟墩相度機宜綢繆孔固六十年臺匪朱一貴等亂作滿保密疏告變謂撫臣呂猶龍曰廈門爲控制全臺咽喉當親往以安人心爲恢復計綏輯會城撥濟糧餉請以相屬五月庚午由省城疾趨泉州值澍雨連綿乘竹兜從數騎行泥淖中人莫知其爲制府也至廈門嚴申軍令市肆晏然已而舟師雲集乃醜酒誓衆聲言分路進勦密授諸將函封戒以開洋後啓視則令其合攻鹿耳門並散賊黨以分其勢也賊果分

兵拒戰旬日恢復府治一南北二路以次討平捷聞隨調遣能吏安輯流亾慰撫各庄社民番臺灣遂定後以疾

卒于官

福建通志

○李發甲字瀛仙雲南舉人康熙五十二年任福建布政使以孝弟化民以清正率屬捐俸修洪山橋建六柱

亭以便行人道路戴之未幾擢巡撫去

福建通志

○陳瓊號眉川海康人康熙甲戌進士初爲古田令簡調臺灣清操絕俗慈惠利民公暇引諸生考課以立品敦倫爲先每夜躬自巡行詢父老疾苦聞讀書紡績則重

福州府志

卷四十六 名宦一

七三

予獎賞有羣飲高歌者嚴戒諭之念商艘水丁重困窮黎詳請豁免尋行取入部後以四川督學調臺灣道民聞其再至也扶老携幼懽呼載道瓊鎮以廉靜番民帖然官庄歲入悉以歸公秋毫不染旋擢本省巡撫一老蒼頭襍被自隨單騎之任一切章奏檄移盡出已手起居止一廳事物爽治政夜分乃罷草具蔬糲日噉薑少許捐置學田以贍諸生五十六年奉

命巡海自賫行糧屏絕供億諸所經營學宮賢祠及橋梁道路壩閘之類次第畢舉以勞卒于官當屬續時一緜

袍覆以布衾而已屬員入視莫不感涕民有相嚮哭于途者

特賜帑金歸葬贈禮部尙書諡清端

福建通志

○黃之雋字石牧松江華亭人康熙辛丑進士雍正甲辰督學閩中鑒裁精審謝絕請託以興起古學自任每郡試事畢輒合才雋士校其詩古文詞口講指畫聞者悅服後以左袒士子被論解官諸生醵金爲贖不受去之日送者相屬于路車爲不行

○高其倬字章之奉天人康熙庚辰進士雍正四年由雲福州府志

卷四十六 名宦一

三

丙子年補刻

南巡撫進福建總督之任甫抵浙聞閩歲祲卽于道奏請截江浙漕米二十萬由海運平糶以賑繼而發帑四出採買廣儲俸禁囤積民不病饑鹽法自前政改官辦後商人失業價漸昂貴其倬仍盡歸之商科條備具課羨而直亦平減先是康熙五十六年禁閩省商船不許往南洋諸番市易違者抵罪其倬疏請弛其禁其畧曰福興泉漳汀五府皆地狹人稠本地所產不敷食用自康熙二十二年平臺以來海宇昇平生齒不可勝計今五府之內荒僻之地已無可開山澤之利亦已無餘惟

開洋一途民之稍富者爲船主爲商人其貧者爲頭舵
爲水手一船幾及百人一年往還一次多者得千餘金
或數百金卽水手之類亦每人可得二三十金其本身
旣一年不食本地米糧又得銀而歸養其家下及手藝
之人皆大有生業洋船一回開行設舖又足養商賈之
家且多有帶外國米歸者此開洋之利益也從前諸臣
所慮者大約有三一云載米出洋臣查外國皆產米之
處不資中國之米洋盜多劫米之人無買米之盜且洋
盜皆在沿海直洋洋船皆在橫洋之內海中道路不同

似盜米之說爲無足慮一云透漏消息與各外國查現
今各外國之船俱許到中國惟中國之船不許到外國
若透漏消息彼國來此貿易之人豈不能相傳消息且
廣東之洋船現俱許到外國獨福建之船不許到豈廣
東之船全無漏洩福建之船獨慮漏洩一云外國造船
需用中國船料桅舵恐閩船賣與之查外國洋船甚大
其夾板船隻皆用整根之木造成而閩船皆用板片彼
此木料不能通用至于桅舵閩省之大桅尙小于外國
洋船之頭桅舵之大小亦然何能相資爲用臣愚以

洋船應行開禁至每船回省請酌量帶米而歸于開省
更屬有益 廷議如其所請并定洋船自暹羅回者大
船帶米三百石中船二百石自噶喇吧回者大船二百
五十石中船二百石自呂宋東埔寨馬辰柔佛回者大
船各二百石中船各一百石自赤仔六坤安南宋厝勝
丁家奴宿霧蘇祿回者中船各一百石著爲例洋禁既
開由是漳泉諸郡多高貲富人其倬性明恕政舉大綱
不矜苛細遇屬吏有恩禮其清節尤一時無比七年改
督兩江後徵拜戶部尙書道卒諡文良

福州府志

卷四十六

名宦一

七

○王恕字中安四川安居人康熙辛丑進士選庶吉士乾
隆五年授福建巡撫在任勤卹民隱培植士氣歲辛酉
監鄉試向例闈中諸需用物率分派舖戶吏胥因緣爲
奸用一取十民受重困恕稔知之屬諸司嚴督人吏有
犯者不少貸事必躬親毫末不擾諸民竝刊石永禁之
弊遂絕郡有鼇峰書院恕親試諸生拔其尤異厚予廩
餼暇則親臨講明正學以文行相切劘復創考志書院
教諸士之與童子試者一時士習丕變恕博雅仁厚以
信感人不爲操切所至無赫赫之譽而去後民思之

○潘思渠字絜方陽湖人雍正甲辰進士選庶吉士乾隆十三年任福建巡撫時建寧賊徒魏現嘯聚爲亂捕繫二百餘人思渠與同官讞決奏戮五十人餘論擬如律不縱不寬遂嚴飭所部崇正道驅邪教並禁崇安上杭龍巖州臺灣淡水鷄籠諸地所產土琉毋許私鬻陰製火器奸宄衰息其爲政以籌民食亟賑卹興水利繕城垣爲先務福郡都會食繁米少仰藉延建轉輸下至漳泉則倚臺運春夏之交市米稍匱價輒翔起思渠力籌常平積貯奏請動撥臺倉協助民賴以哺又以臺鳳二

福州府志

卷四十六

名宦一

美

縣于乾隆十二年被災奏請緩徵額糧並禁客頭之私運廣東惠潮者是年秋七月漳泉臺郡初憂旱繼而颶風大作潮溢衝壞民田思渠分撥鄰郡倉儲減價以糶旋奉

旨截江浙漕運十五萬石運閩儲備民于是不饑十四年夏四月邵武光澤大雷雨北溪山水溢入城市思渠輒令有司賑給曰毋以災小而壅

朝廷恩澤十六年夏五月寧化大水淹及附近之清流漫入建寧思渠力請勸恤民甫安集而秋七月颶作大雨

若注拔木飄瓦羅源寧德霞浦壽寧福安災尤甚思
冒水履畝分賑葬流尸葺壞屋親製文祭男婦之溺者
痛哭引咎百姓觀者皆哭失聲民感入肺腑而思築亦
病矣其興水利也甫下車卽從民請開郡城南直瀆新
港福州西湖晉郡守嚴高所鑿廣二十餘里建牐儲水
溉田數萬頃宋明以來湖日縮今所存者十之三思築
因旱集民夫給工價開挑湮塞重築堤一千三百餘丈
繕牐二座葺湖心開化寺徧植桃柳于堤上爲利最鉅
福寧郡之寧德亦有東西湖思築先築東湖得良田萬

頃而福清之郎官港法海埔霞浦之長溪壩長泰之雙
圳坡亦次第構事又若閩縣之倉前橋福清之漁溪橋
連江之通濟橋輒修治其廢壞其繕城垣則有福州永
安寧洋長泰惠安泰寧廈門建陽諸郡邑會城鼇峰書
院者前撫儀封張伯行所建思築力爲振興時入講堂
督課誦稽行習口誦指畫娓娓不倦久之成鼇峰講義
若干卷多先儒所未發造就成材器者甚衆又購書籍
加餐錢設都養贖黃道周經解板貯院中以資誦習思
築博物洽聞湛深經術公餘不廢著撰在閩著周易淺

釋天玉初箋青囊佩觿地學要旨諸書又飭修福郡志
書每一卷脫稿親爲裁定十七年春以勞卒于位卒之
日僚吏哭于庭紳士哭于門軍民哭于道事聞
皇上軫惜特深卹典俱照一品例

賜謚敏惠

命入京師賢良祠并

建二省賢良祠

福州府志

卷四十六 名宦一

七

福州府志卷之四十六 終